

憶
山
堂
詩
錄

憶山堂詩錄卷之五

辛未

初春江行作

洞庭三尺雪漢口一颿風離思忽更歲征人日向東
渡頭行櫂亂桅底夜鐙紅坐聽瀟瀟雨天涯歎轉蓬

澤口懷同覺庵中丞

興

前年澤口秋初到此地牽舩阻石杠風裏芰荷搖遠
水煙中城郭問潛江

已巳七月偕中丞自襄陽坐舩至澤口登陸到潛江縣

空

懷賔從南樓月獨聽波濤兩岸淙可憶賦詩窮趙壹
二更愁絕坐舩牕

舟中食少

蜀艦終日坐經月泛江湖白袷誰狂客紅裳悶小姑
心神爲紅裳女子脾神爲青衣小姑見醫書真堪絕煙火何以實肌膚賴
有詩千首高吟興未孤

寄第四妹三首

手足爾差健能深舉案情懷中已免乳春半好遵程
官寺水西隔鶯花塞北行晨昏托諸妹此意要分明
夫壻工詞藻嬌兒解咲言落花原寂寂瓠葉太幡幡
虎繡新篇足雞鳴古思存閨中少年日一過了無痕
聰明如兩姊相繼各摧蘭失母心良苦從夫事本難

況余辭骨肉憶爾愴心肝所寄惟珍重書題話豈完

寄第六妹五首

歲暮平溪別江行忽仲春尺書難瑣悉片語總悲辛
同產各多病殊鄉貴保身休教辭葯裏餌尤效如神
憑汝向邱嫂傳將內則篇治生須澹泊愛子莫驕憐
蚤起庭除潔宵分績紡連尊章定歡喜吾意實拳拳
長生我嬌女提抱賴諸姑好使屏風側常看列女圖
咲哢良可念情性莫教殊須似左家妹琴書只自娛
日日羹藜藿年年共苦辛有親作廉吏無肉與家人
老屋書千卷寒梅香幾巡還須足吟咏誰識綠牕貧

詩五

阿姊從吾北
篷牕語萬端
小來同患苦
憶爾最辛酸
骨肉懷長路
衣裳慎薄寒
傳將天末語
所屬是加餐

南陽懷古

濁酒難平弔古心
春燕自長暮
雲深布衣若使躬耕
老定積千篇梁父吟

許州八里橋關壯繆廟

去住兩堪念
深情想別時
潺湲猶有水
珍重豈無詞
野史文難按
邨巫托可疑
頻年橋畔過
且讀麗牲碑

畢尚書沅碑文
一通獨按其實

許州

昔讀曹瞞傳停車此復頻鳥飛漢朝恨柳色許昌新
才略無當世英雄獨可人使如本初輩早亂朔方塵

朱僊鎮

北宋昔淪陷南車此要衝河流愁未濟血戰竟無功
卻想佳兵日難忘壯士風宣和遺事在北狩恨何窮
蘭陽縣渡河作示第五妹

八年雲樹隔鄉國面目苦向風塵黑黃河限天鳥不
飛頻從戒南來戒北猶記前年滎澤經季夏迥望月
掩星驅車上舟趁夜色中流暴雨風兼霆漁火星星
何處路車中僵曲河中住簸蕩終宵夢亦驚日高始

傍隄南樹今朝呼渡蘭陽舩春風澹沱颿正懸舟師
理檝纔臨水痠馬牽舟已破煙隔河草長春依約回
首青青是嵩洛欲問吳中昔徒侶去覓齊西舊城郭
停車處處總斜曛只有琵琶不可聞待傳河朔沙塵
怨和我居然有左芬

自蘭陽六日抵荏平
爲江南入都孔道

濮州雪

二月黃河北寒風尚冽人忽驚盈尺雪難問幾分春
擁被寒傾水拏帷凍少塵車中頻作夢愁絕此麟麟
莘縣謁伊尹祠

佐聖傳伊摯師臣想古湯蒼烟莘野遠喬木漢祠荒

久作方明配新看祀事將東觀懷亳洛五就緬鳩房
自古齊公旦何人擬霍光汲書傳大霧呂覽記空桑
怪益齊諧志文殘魯壁藏咸有一德伊訓太甲皆在佚書遺聞野老
語下邑聖人鄉卻似忘三篋誰能問大航欲求王會
解還以獻

虞唐

登岱圖爲韓九孝廉

三泰題

卷裏眞靈總未開幾年東望獨低徊漫言嶽瀆皆奇
絕誰見滄波浴日來

點蒼山色碧空濛萬里歸人思未窮欲取峰巒圖尺

言五
幅攜來海上示韓終

吳玉松先生

雲

招同人小集飲席出詩見示卽

次原韻奉呈二首

山公呼我坐匡牀欲和高歌髯未蒼差喜看花留閩

歲

閩三月七日

自憐把酒總他鄉同人誰識東山志未至

聊陪北海觴高會更須期後日何當怱悵夜渠央

日下句留字一囊相逢憐我識裨蒼何須同甲開詩
社亦有三辰記醉鄉古道主持言滿室窮涂憫藉酒
盈觴掖垣花隱重門近定有封章奏

未央

玉松先生以蔣香杜廷恩年六十而同人適計

偕至故爲此集以已年六十六蔣堯農瑛四十

八李子僊福四十三翔鳳年三十五同席顧亮

甫吉士寅四十五公子藹人修撰信中四十一

因首倡云七人三百卅八歲諸君和詩皆以爲

首句余次韻未用翼日香杜堯農子僊與余皆

報罷因用此句再和一首

七人三百卅八歲自咲無成亦老蒼中有升沈殊地

分各成顛賴憶江鄉高情絕俗原方柄澁體爲文久

濫觴相約歸來焚筆研不須更賦水中央

讀賈生傳

賈生逢漢主交臂失斯人尚未尊儒學奚能問鬼神
文章原貴耳痛哭祇傷身一疏何須錄龍門識絕倫

賀周愛堂同年

蓮新婚

喜聽斑駁駐畫輪纖雲無翳玉無塵遲他滿座清譚
客輪與青綾幃裏人

選壻如君弟一流江波清澈遠山浮夫君自足無窮

業未許家聲數狀頭

新夫人爲吾鄉陳永齋修撰從孫女

月采當頭霸漸清玉京攜手董雙成飛鳧更得神仙
匹足傲王喬過一生

心折樽前顧曲才幾年無語漢臯來明朝卻扇相看
咲問取溫家玉鏡臺

題虛舟叔本事詩後

女兒十五工彈箏弦高柱急多怨聲舩頭舩尾鎮相
見桃葉桃根詞未明青春鐙下數番曲碧玉樽前無
限情酒酣說劍何足數但願守紅過一生

虎坊橋雜詩十二首

筆硯清於水衣裝薄似雲買車辭鎖院賃宅近荒墳
由貢院小寓移居虎坊橋南粉房琉璃街近下窪子多葬葬處且卜兼旬住聊排萬
緒紛冗然人境裏獨坐看斜曛

來日難何似經春夢已訛提攜惟骨肉

挈五妹同居

飛越

總關河破麓金看盡窮涂淚竟多杜陵原有妹聽我

倚楹歌

落落知音客相逢又一年

舒鑣雲沈小宛畢子筠寓橋東王仲瞿雲蘅圃寓橋

西夜夜過從

酒深聊斫地鐙暗且譚天患難交羣子文章

各幾篇請看牛斗氣今夜月初圓

芳香忽滿室鄰叟送花來

與朱野雲山人比鄰每以時花相贈

芍藥紅

如此迷陽意獨哀狂蠶猶自亂野鳥不須猜靜對軒

牕夕酬君酒一杯

萬柳堂何處相攜數里遙東城花已發南阮酒頻招

阮雲臺中丞招飲萬柳堂與野雲山人同往大有山林想能將塵土消欣

同野雲子坐話土山腰

竟夕酣歌去諸君總恨人鵲弦聊一撥羯鼓已三巡

人影留殘月花香殢晚春相從且休別怕擾六街塵

鍊雲蘅圃子筠家梧岡叔野雲山人俱精度曲每酣歌泥飲必三鼓乃散

斷續官街鼓騷人夢未成起來無限恨譜作不平鳴

鍊雲子筠同譜院本四上招魂曲千秋弔古情忽聞呼宋玉白

月已三更

字向名賢問書從好事尋臧生經籍志汪子水雲心

因臧在東識汪春泉春泉爲銳齋儀部之子臧書極富向借未嘗吝院落雨初過軒牕

日未沈焚香竚清話古思一張琴

漆書非散佚北斗宿當中王肅詞難合劉歆說已通
余說尚書外兄劉申受頗以爲是近與王伯中學士論之不甚相合也古文真朽蠹大
義付冥鴻寥落塵寰裏何人識宋衷

輓迹周郎闢相逢亦斷腸如余真寂寞百事總頽唐
綺思隨花謝傷心托酒狂青裛今各破只是笑行藏
近與伯恬輓迹稍疏闊而伯恬頗困于酒故及之

日日塵沙裏蒼巖在夢中飛雲傳尺幅冒雨訪諸公
彷彿眞靈見依稀翰墨工卅年爲一世怱悵蠟鐙紅
在琉璃廠畫肆得武進錢侍郎所繪黃平川飛雲巖圖橐極精

碧檻前時月清江昨夜潮誰知獨醒事怕度可憐宵
悵望車雙轂歌呼燭幾條城南人散後愁過虎坊橋
余攜玉屏簫雌雄各一雄者忽破而以雌贈畢
大華珍以詩埒之

空山生竹幽難尋無端化作蒼龍吟蒼龍入雲還入
水宛轉此聲無乃是坐中慘綠似君希雌聲鳴咽雄
聲死定有湘娥隔水聞莫教劒客中宵起君不見下
弦已缺白玉盤斗柄欲上星闌干憑君一弄足清興
無限葉聲生夜寒

題城南鐙火圖三首

同此九州人平生各相昧學問識所宗議論辨支派
遂同骨肉親不容少薜芥人海偶然來適適多所怪
古思復誰數精進不知退故園無半弓足以釋鋤耒
多謝客舍鐙夜夜照吾輩

沈子富文藻臧生耽六經一去一復病零落如曉星

沈小宛南歸臧在東近
卧疾邸中不能過從

王郎坐說劒

王孝廉
良士

畢卧舒

則醒

畢孝廉華珍
舒孝廉位

酣歌雲欲住高議杯婁停試問千

載前皆是何精靈萬言總可錄四座愁共聽慎毋呼
月出草際多流螢

楊朱泣岐涂迷者尤可指如余顛顛人所向無一是

東南竟無家西南近萬里抱病復苦飢流落長安市
過從得數公藥我言則起風氣如可存吾輩悉後死
城南且休住跨衛請從此

雙柏行

冀州試院有兩柏樹高各三丈餘想亦數百年物乾
隆閒尚書德文端公顏其室曰雙柏軒余茲應刺史
程君之招授館於此感念庭樹爲賦雙柏行

蛟龍不走波濤定鬱鬱香留古情性一樹偃蹇枝柯
高一樹昂藏根柢正屋外亭亭兩丈夫朝迎日出暮
棲鳥桃花咲爾肌膚瘦楊柳憐茲骨相臞請向蒼顏

詢年齒絳縣何能言甲子雖異青銅出漢京不似君
遷種吳市四十年前問古心尚書題榜雨風侵論文
雙柏軒中坐卻想拈須幾度吟我是三吳一狂客無
端顛顛畱河北風急霜寒閱太多堅心直性應相識
桃花能咲柳能眠此日天涯盡可憐寄聲緱氏山頭
鶴千載來巢柏樹顛

題嶺南三家詩

學似求麟角珍同采象犀詞連滄海氣聲急杜鵑嘯
好事王誰後招魂屈竟迷小書今漸出
寬大古難齊

畫雞

不圖瑟縮寫昂藏隨便巢窠似未妨獨立何能矜爪
背相看聊爾愛冠裳稻粱有託謀非拙風雨無聲意
自傷不寐思尋劉越石起來村落夜荒荒

畫蘭海棠竹各一枝因題以詩

深紅憶迴欄微香緬幽逕修竹何青青相倚嬋娟淨
夕月淡未明朝露溼巖磴寂寞天上春風雨吹不定
三年芳思結欲摘遙難贈但留香草心歸來好同證

讀舒銕雲

位

新譜院本三種各繫一詩

長安下弦月淒冷照客帷碧天幾萬尺團樂知有期

蟾蜍不能語顧兔情在茲請君夜牕底更譜月蝕詩
吳剛修月

小來抱篇策能誦禹本紀雲漢萬古明支祁幾回死
可憐窮源人高歌尚燕市夜起愁客星漸厯南戒裏
張騫訪星

掉頭去朝市朝朝寫遠山別史繼虞初忽涉宮禁閒
百年歎禍水一曲傾珠盤參差及琵琶爲我續續彈
飛燕外傳

論詩三絕句

舉目河山感顧榮名賢空唱石頭城分明字字皆詩

史沈痛中還意氣平

風騷漢魏總吾師別具深情未可知恐使江濱漁父
笑幾回怕聽左徒詞

鬱輪袍豔當時曲凝碧池頭可柰何麥秀漸漸舊宮
殿早知急淚貯偏多

題葉貞女詩後三首

熊觀察作葉貞女詩紀事立義皆合於古貞女兄東
卿上舍以見示余將束裝不能別有所作因書三詩
於後

壁上琴弦冷不張誰陳歌曲按清商分明一片曹娥

石漢水清緩總斷腸

曾讀鄘風說兩髦寒泉一樣謝波濤采詩儻復來三
戶我是人閒大小毛

繫馬聊繙幼婦詞寒風助此廿年悲匆匆若寫樵書
就便續唐朝愍女碑

勘經室校緯歌贈孫鳳卿觀察

形

十一經多後師說二千年斷絲竹聲篇中赤綠遍奇
字遂使鄙別來淆并僞文名姓造新室內學禁令嚴
東京況有章句習口耳微言竟以荒唐輕圖書九六
悉蕪穢大路四達同榛荆 國初以來重經學先求

叔重尋康成古文破壁已推闡秘書殘檢誰支撐要
知禮堂昔寫定獨抱緯學爲孤鳴明堂丙巳義最絕
命厯去就傳尤精士禮雖缺據補綴尚書差備消紛
爭此數大端皆可信凡所證合詞分明後儒同命宗
鄭氏頗聞諸說多變更迷涂隘塞意早亂閉房駭怪
名同驚試看正論誰復及廣坐一一相推評孫炎好
古邁流俗能傳鄭業譏諸卿墜文博采亦矻矻細字
徧校良硜硜非常之義在篇策古書不滅須縱橫聖
人欲說言未顯明者善讀義自生不然周禮盡經法
姦人一用安爲傾何令識緯遽微滅拘學無乃由張

言五
衡勘經室內一時話異書旣獲歡生平停車爲爾陳
此曲躑躅其足千秋情

歸涂車中紀夢作

步步近鄉國勞勞猶夢魂從茲有岐路疑是入脩門
怨鶴方千里荒雞又一邨醒來詩句就不敢贈劉琨

贈滋陽陳大令

醇

舊里論文社窮涂結客心相逢仍薄宦持贈有狂吟
日角書行薦霜華鬢漸侵儻過海波寺同此悵人琴

謂稽亭
工部

嶧縣荀卿墓

六莸元招世俗憎一官何必署蘭陵龍門合傳名無
忝馬鬣遺封迹可徵生避讒言身久廢死遭苛論道
難憑後來牽犬東門者家法知渠得未曾

宿遷道中

白羊新臘覺匆匆瘦馬還嘶五夜風南戒占星方揜
雪上弦見月又如弓愁心樹色迷茫際殘夢車行轉
側中趙北沙塵齊地雪送將病客到江東

清河晤包慎伯

世臣

問君何復此棲遲一望黃流有所思行水竟堪書豕
渡聽冰難與決狐疑長星已退愁應失明月初圓飲

最宜河上沙連淮上雪可憐握手欲歸時

立春前一夕高郵守凍作

水程八日凍河流

臘月十五日在清江浦登舟已八日

江北殘年滯客

舟雨雪天涯成感歎參商人事怕句留羊鐙半夜寒
無燄魚目終宵醒易愁且撥鑪灰悵深夕春前尚未
到揚州

讀史書感十四韻

王景成千載茫茫禹貢圖下民尋窟宅使者接珪符
地腹通其脈天齊界此涂南流非至計東顧軫良謨
司馬書難按宏羊議本麤未須愁溟滓且與畧錙銖

感激言誰切遲迴說太迂難知來日大計足幾年無
自古惟中策何人見北趨黿鼉飽秔稻鴻雁賴芟芻
議論平心後功名著腳殊憂天良已拙填海笑奚愚
四瀆乖名實三吳望轉輸經明應幾輩隨分老菰蘆

眞州官舍除夕題屠大令

倬

詩集并呈夏上舍

寶晉

寒風驚飛濤凍雨薶遠山飄零一狂客歲晚江淮閒
窮交誰可托頻歲思芳蘭切切屠使君眞意葉語刪
招我水際艦解我塵中顏把酒感君意良夜殊未闌
故里懷長洲十舍猶閒關

閒關不成寐起來誦君詩君詩如名山逕路探愈奇
天雲屬懷抱夜月徵襟期自足千古心吐此絕妙詞
近聞弦歌化習習興江灤春風所披拂芳華隨地滋
卻喜眞州路女兒歌竹枝

北海坐上客意氣恒無儔三時思沈約

小宛已同永里度歲

夕逢夏侯琴樽無時絕雲樹使我愁所荷君子情殷
勤得句留結交亦深好憐茲歲方邁行當涉江去一
碧看春流但有難別心獨抱青棠舟

憶山堂詩錄卷之六

壬申

題詞仲詩本卽以誌別

題徧隋堤柳居然弱冠年風懷成醉後花思溢春前
送我煙中樹思君江上船琳琅攜一卷盡日咏愁邊
留別琴塢

朝來一色凍痕消客思無端入畫橈欲問春潮添幾
尺難忘樽酒已連宵鶯花記得江千樹風雨歸來市
上簫他日吳趨僊舫住可能棄輿訪臯橋

江寧方伯陳笠瓢先生

預

招飲瞻園卽席賦呈

東風吹到春園枝春寒故使花遲遲看雲四座停杯
後遲日三商斲茗時先生招我殊閒暇前撫湖山後
亭榭云向江頭鼓棹行最難此別花枝下朱轡經月
秣陵城秣陵四面羣峰青莫愁湖水臺城樹不似瞻
園適我情此是中山故王第園居亦出天家賜留都
兵到室無人別業春歸花滿地畫簾不捲燕徘徊綺
閣紗籠自閉開公子金鞍已難識佳人錦瑟有餘哀
竭來燕坐呼賓友懷古方淡如此酒緩帶輕裘誰似
公眼底鶯花復何有真成傳舍各匆匆但願琴樽日
日同鄰鄰方溢春池雨瑟瑟還題閒館風對此園林

幾回惜明日哦詩已陳迹板橋行過大功坊一波自漲秦淮碧

酒後贈同年蔡翰林

世松

蔡侯飲爾一盃酒明月當筵夜方久經年一見語難窮默飲問君能幾斗臺城春到花未發花意春光兩俱負江頭漚鳥行喚人牕外雲山足懷友相約東風澹沱時踟躕共折秦淮柳

正月十七日觀音門守風與馬玉山

瑞圖

同登

燕子磯作

春來燕子磯頭望一片江波最渺緜宿雨生潮侵兩

岸東風有信滯歸船欲尋煙景空山裏難寄愁心夕
照邊試問往來緣底事懷人芳草竟年年

行宮古瓦總落生洞口煙霞路未明兩日句留今雨

在十年惆悵舊遊情

辛酉九月自白下與
玉山結伴至吳門

步虛聲遠

瓊樓月懷古詩傳別院笙我愛馬卿詞賦好青山行
到其題名

南昌郡齋晤王小梧

渭

因讀新著題贈

童年識子真無雙意氣十斛龍文扛造語不作世俗
哢一時玉磬金鍾縱自我十載違鄉邦東過三楚西
冉駝風雨相憶挑明釭一舟洞溯來長江大孤小孤

驚急瀧登岸旣免波濤撞況復見子心則降我雖顚
顛志益龐欲追懸絕通梁杠誦君詩筆開愚翫男兒
熱血同一腔魚龍角觝都盧撞精思所到目不慢君
之意境凌崆嶸清衙文譙多蘭茝謂張子絜薦案今
子實葆采昆仲
我復此停吳艤空山如喜足音跼莫因靴鞞輕揭控
虛堂夜坐風入牕緘愁寄子鐙幢幢

笠瓢方伯座上呈伊墨卿太守

秉綬

卽送東行

兼寄王惕甫典簿

芭孫

二首

豫章江上暮潮生清譙陶陶喜合并一夕雨風增客
思廿年碑版見公名平心堪與論碁局豪氣誰從鬪

酒兵

太守善飲

欲乞草書三萬字何當翰墨獨縱橫

鱸浮門裏板橋長好問王孫芳草堂

太守將由吳門赴都芳草堂典

簿所

老友相逢皆拓落故園遙憶我徬徨泛舟雲水

人千里橐筆江湖字幾行差喜元龍樓下卧褐衣猶

未減昂藏

余居停方伯署中

墨卿太守次韵見荅因用所示六如亭詩元韵

謝兼呈笠驅方伯

彭蠡湖邊日日風片颿先想浙西東六堤柳色人千

古十載詩懷酒一中

余別西湖十年矣

嶺外朝雲新夢接

墨卿

守惠州曾修六如亭朝雲墓一時題詠甚多

揚州明月舊痕空使君畧似

蘇公迹殘醉能無憶軟紅。

七弦獨鼓亦泠泠風裏飄蓬水上萍自作旅人身慣
病每思知己夜長醒文章伊籍情無盡湖海陳登眼
倍青幾首新詩兩行淚一時肝肺欲鐫銘

四月三日夜坐呈笠瓢先生

纖月未見庚風力入牕帟丈人聽政餘清話良未已
上窮羲軒情下訖釋老旨涼溫具四時平險隔萬里
自瑩一片心獨辨真與似下走何所聞循涂想迤邐
欲通流水活先作槁木死不然紛華境所遇皆棘枳
琉璃澈我胷何敢積塵滓坐久更忘言此時喻非指

贈鄒樂盦

六經支與滋周秦名家者流出韓申追溯道德決此
理較別銖黍求其真太都衰輓性情薄遂用秋義遺
春仁我行天下問吏治亦辨溫肅知澆淳北平方伯
古君子恂恂實意憂斯民平原座上富賓客鄒子才
識尤無倫每聞夜牕論政事切切迺見賢主賓鄒子
讀律四十載母敢一事師心因西來屢遊大府幕未
始附會惟斷斷于公抱案訟冤獄董生決比搜經神
筆硯自己足陰德始知刻覈非其鄰況君六十興豪
邁元髮雖改面未皴細君閨中瑤瑟靜丈夫鄰下壩

簾均一時和氣溢庭宇自見富貴延年臻笑余憔悴
適茲土喜其晨夕情彌親挈朱相約校唐律古義一
一爲披陳中有意味各斟酌卻彼魯酒湑其醇清風
漸覺衣帶暖積雨已過花枝新更有高閣憶江渚何
當提榼朝朝頻

寄懷韓中丞二丈

封

并呈黃孝廉同年

成

清樽猶記長安月別思天涯太寥闊湘江蘭楫兩度
經庾嶺梅花四回發夕峰隔斷自緘愁三十六鱗時
出沒萬里波濤海上思和門日色清牙旗豈無健兒
奮勞勩中有書生獨指麾戈甲西風破橫島蛟螭南

海鑄韓碑頻年已穩
鮫人夢雲水蒼茫
天宇空緩帶
當筵聽雅歌投壺
長日懷賓從京華
忽到數行書慰
我飄零語珍重
珍重無如憔悴
何布衣更漬淚
痕多
可憐寂寂九江上
難得迢迢五嶺
過登樓向晚試
臨眺
空有西山顰翠蛾
忽然飛越到嶺
表怕見屋角橫
天河越王臺畔
未蕭瑟
昌黎詩筆思重
哦更從別館
憶黃憲功名五十
非蹉跎

滕王閣下送別周伯恬

儀暉

李紹紆

述來

高閣分攜處離情不可刪
暮山同蹢躅流水爲潺湲
江遠人千里舟橫碧一灣
歸來明月下獨坐悵重關

笠瓢先生送鮮荔枝賦謝

抄得唐時譜南中果不凡一盤長者賜幾載小人饒
漿有瓊堪挹膚憐玉未劉漫須嫌性熱冰雪早同緘
笠瓢先生贈玻瓈鐙賦謝

亦是琉璃界中庭夜未空光明原可斂障礙卽能通
好待三更月何愁四面風載歌君子德照我益無窮
夜坐東龔西原太守

文虎

屋角星河出懷人正寂寥文章結遙思風月竚清宵
不見情難說相望意總消城闌原未隔無奈咏搖搖
墨卿太守寄示約遊匡廬不果詩意若有恨恨

者因廣其意作此寄呈

倦遊欲補名山記一室千巖萬壑迴
蜎鶴且書童子問真靈時待故人來
諸天樓閣空何有福地琅嬛境
易開塵外匡廬奚足羨先生大白試傾囷

紹紆過南昌郡齋畫梅贈張筠生

葆采

因題二

截句

點染怱怱墨太輕故人今到五羊城
如何大庾迢迢嶺清夢離思兩未明

詩情花意總堪親臭味年來識漸真
更乞張侯圖百幅天涯遍贈與詩人

題查花儂林京江送別圖卷卽送其遊嶺南

難寫人間欲別情況逢北固古時城披圖忽觸春前事如此江山尚遠征

舊夢京華覓太難晨星寥落夜闌干也同一片江頭樹只作怱怱陳迹看

客牕風雨悵前題無那章江樹欲齊明日羅家墩畔別何人更寫柳低迷

題吳門畫舫錄卽贈程韵篁大令開泰二首

十年草草滯青衿延佇胥門綠半篙每把清樽愁入破欲拏芳杜注離騷歡悰牢落腸空熱勝事飄零首

獨搔一卷閒情成漫與預期吮盡此吟豪

姓名歷歷記斯人綺思芳蹤各有因小立難忘虎邱
月清歌無那鹿城春漸迷香夢雲非杳遍數花期雨
太頻我亦鱸鮓門裏住憑君寄與客愁新

奉和笠瓢方伯入

觀紀

恩四首元韵

鄱陽西指衆山開此日還欣末座陪賓客難忘高閣
會兒童羣仰使車來馳驅王事程三月點檢臣心日
幾同幾郡人煙一江水關情真不賦遲迴

郎官異績出諸曹絕域輶歸

帝語褒

方伯前以比部郎使蒙古三座塔平反七命冤獄以此擢用道員

萬里治

軍銷笑豕

前在四川著有軍功

十年退食憶金鰲封圻此日傳

華鼓公輔前時卜佩刀更有文章題一品願公名姓

嶽崧高

四省屏翰久付任

明良一德契原深夫人惻款資前席冰雪清澂矢寸

心

蕩節新持

朝命重

時攝巡撫事

玉珂猶帶漏聲沈四篇樂職詩宣布

便是中和舊日音

春來曾破一江煙廣廈相依忽半年臺閣文章期後

進師門衣鉢溯從前

乙丑年於朱南厓太傅席上識公

漫言下

榻慚徐穉無奈登樓比仲宣坐到三商官舍靜聊鋪
蜀紙和新篇

九月十七夜笠颿先生集幕中同人對鞠小飲
復至圃中翫月丙夜乃散

鞠華本故人一年纔一面官衙清於水澹泊又相見
疎枝訝鐙近寒影怯露泣入懷憐氣味題品不能徧
還宜太瘦生冷夢覓秋院

奇石立無言左右集人影各抱風露清不覺衣裳冷
遙情暮江暗秋思高樓迴暗人愛淡夜況有月度嶺
何當呼軒轅不寐聯石鼎

九月望後七日笠瓢先生招集飛霞閣卽席賦
呈七言八首

先生治事還讀書開府不異田園居旣多圖籍充齋
閣亦有草色連階除朝來颭颭涼雨過呼童淨埽綠
難唾石閒宜種鞠萬叢從此官衙足秋課

帝子洲邊高閣冷收拾詩懷息清影忽聞賓客集芳
榭招我層樓挹遙嶺此時誰鼓五尺琴四圍煙色寒

疎林不須望古動惆悵千載已薄秋蓬心

十指作畫煙雨溼鐵嶺家風世難及無那霜寒月墮

情寫出風前幾枝立

高藏蒼品指頭畫鞠花一幀

溪雲舊琢裁書

硯

時出查初白藏硯同賞

捧向清齋勝東絹欲和淵明采鞠篇

更乞八分題一編

觀解道仔鍊樵作八分書

生平悒悒不能飲丈人憐我瘦已甚位置云宜泉石

閒身藉煙蘿和月寢金豐鄉客興未孤酒半能貌山

澤臞冠纓索絕呈此態咲彼識字眞凡夫

汀州廖標文舫爲余

寫影一幅

宛宛清譚盡遙夜高城畫角嚴更罷冷落江湖六七

人猶幸歡顏得相借吾生頻破古錦囊得句徒爾悲
昂藏不如清軒竚涼月相逢聊共傾壺觴

故王舊闢清華園數弓難覓樓臺痕有時清吟月將

落環佩儼竚婁妃魂

相傳布政司署
爲明寧藩故府

諸君痛飲又將

散寂寂歸來捲秋幔詩人地下三百年祇恐呼余夢

魂斷

雲如憶泥月墜露脫帽同咏階前樹文章結契自有
真相逢各不知其故劒花欲蝕龍淵吼一時意氣凌
牛斗陳蕃物望羣子賢此會南州亦希有

廿年頻過九江上只有閒鷗憐俗狀匡廬何處尋屐

痕彭蠡猶能和漁唱春來爲洗一斗塵先生知我殊
苦辛長願追陪讌高閣不敢作記慚先民

送莊玉蕃

續澍

還常州卽用其夏初往贛州留

別原韵

殊鄉難得見朋儔送子岐涂涕欲流自有遙情通一
水各緘離抱過三秋怕登傑閣衣嫌冷吟想清灘筆
更遒寫出通天巖上作虔州傳遍又洪州

玉蕃在贛州有游通

天巖長古一篇極雄麗

天涯賸此木觚章愁殺隨身破錦囊且食齏鹽緩衣
帶何時鐙火接眠牀清江千里君歸興老屋三間我

睡鄉收拾琴樽倚書枕從今遙角聽應長

和詩送玉蕃意有未盡更附長句

寒天雲色寒江風君歸我住意則同臨岐相送默無
語此意唯有江波通君往南窮贛江水清灘寂歷歸
舟駛暫時相見又將離永夕陶陶話難已如余強壯
無所成獨吟時和寒蜚鳴故里飢寒已無迹天涯雲
樹殊有情每作行歌送歸客飛鴻愁見殘霞碧況復
交親子更深繾綣離懷未能釋懷玉山前紅萬樹富
春灘畔斜陽暮身從山水窟中行心向雲煙空處住
三更如聽浙江潮金鼓千軍意總消擁被蓬牕宵寂

寂此時鄉夢定迢迢北新關外潮相送關吏稅詩今
更重鹿苑如探萬壑梅虵門須問寒塘葑厯厯行程
爲君數依依遠思吾尤苦江湖留滯無還期黨族空
疑忘鄉土家君遠宦骨肉分吳門匹練愁夕曛爲我
起居外王母且言學古差辛勤人間謂我酷似舅文
章經術吾何有一緘煩致渭陽情落落千年願無負
君之諸父吾外兄珍重別語猶分明江城計九更難
忘莫使寥落愁平生我之所懷君亦曉明月下弦寒
色皎樽中醺醪酌未空圃裏池臺夢應繞胷中緘愁
態軒豁送子高歌江更闊相約春颿細雨時同看西

山翠方潑

筠生臨徐文長花蘂畫卷屬題

天池墨雨生溪雲奇花一夕舒靈芬湖山寂莫才人
死墨痕花氣猶氤氲湘渚有蘭洲有若此卷人閒殊
落落張侯下筆善沈思與彼形神遠相索清齋被酒
聞西風方池洗硯雲濛濛一枝一葉有生意千載百
載遺神功知非徒爾尋花草自有芳香置懷抱更取
離騷注萬言遲子空山共探討

楊蘊山

指

見示嶺南紀遊詩冊題後

百重蜃氣萬珠犀許我奚囊認舊題瘴雨無時蠻月

黑颶風有信海雲低詩人竒思蒼茫在大地行蹤躋
躅迷夢想越王臺畔路何當把酒弔鱣鯢

趨庭蹤迹入蠻煙每憶題名倍惘然一片寒陵塵劫

過廿年湖海夢魂牽

余丙辰歲隨侍至滇中道出黃平州飛雲巖見蘊山刻石詩獨

妙後屢過之尋此石已不存矣

逢君慰藉無多語度嶺頽唐又幾篇

感事紀游良不薄百端使我意難宣

香涇同年自廣州節署旋里道出南昌舟次話

別口占二章卽題其衝寒度嶺圖冊送之兼寄

桂舫二丈於廣州

零落棲遲事畧同洪都握手太匆匆漸平豪氣舟車

裏賸有生涯卷軸中
滄海波濤頻結夢
暮江鴻雁悄書空
客中送客年來慣
無奈君歸目易窮
丈人古道雅相親
如此遊輓遇幾人
和氣已消窮海瘴
淡情能念故交貧
梅花萬樹圖應遍
芳草三春見有因
欲乞郵筒將尺幅
慰余寂莫滯江濱

癸酉

伯恬自廣州回道過南昌見訪並示近詩因次
其卷中廣州留別詩韵以送之兼呈常州諸親
友

征程草草不能留
贏得詩篇說壯遊
客思飄零同改

歲春情寂寞早如秋微吟已覺薰鑪冷不寐空添畫
角愁只有寒鐙映虛枕束薪憶子一綢繆

江湖笑我太羈遲也算傷春杜牧之欲向琵琶尋舊
事更愁芍藥號將離人間文字元多別海內知交半
數奇幾度裁書無一字把君詩卷悵移時

春分前四日飲席作

同把清樽意欲消憐渠瓊樹立深宵低回有曲悲淪
落管領無人太寂寥月影還須竚圓夜春光纔得過
花朝風前共結金鈴護紅燭期將一寸燒

繁箏急管與初闌隔卻屏風許獨看入座神情清似

玉近人香氣弱於蘭二更風雨遲會到昨夜星辰見
太難只有人閒愁朱玉坐吟閒館思漫漫

夜宿蓼子洲寄襄十外弟

元俊

朋儔悵樽酒燈火出重闔寂寂芳洲晚迢迢夜柝頻
綺懷如水遠初夢憶花新明日春江上狂吟贈幾人

寄余砥源

用中

匹馬臯蘭外春來兩得書東風吹萬里此日託雙魚
長劒寥天闊清簫碧月初西行多大漠客思近何如

贈吳蘭雪國博

嵩梁

憶昔聞名二十載見君亦復九年強哦詩歲月多蕭

瑟載酒江湖久激昂避謗著書良未晚辭官作達或
疑狂離懷總向花前積兩兩無言各斷腸

題湯茗孫舍人

儲璠

清河篇詩後

一篇借問意何如似出茫茫百感餘人世功名真有
福平生投分定非虛難陳十卷桓寬論愁讀千秋賈
讓書眼底是花樽是酒與君且約賦閒居

長沙贈瞿木夫

中溶

講堂昔謁錢夫子曾作侯芭問奇字名氏飄零總不
聞檢編寂寞猶能記十年師弟友朋心萬里蹤憑尺
素尋

辛楣

師沒後翔鳳自京師至貴陽伊故里空悲

小尹

觀察出所寄尺牘頻詢余蹤跡

故里空悲

增宿草同門今喜見苔岑昔者韓門有李漢茲覲瞿
生喟然歎周秦詁訓傳奧奇金石英詞殊璨爛絲竹
聲希屋壁虛太常久抑古文書白生翟牧同無色手
板風塵磬折初長沙涇近沅湘水我此浪遊聊爾爾
聞名識面詎可期倒篋傾筐意難已暮江幾日秋風
思蕙花旖旎芳蘭滋雲容變滅有百態洞庭波遠歸
來遲我未見君寄君語感舊篇中各酸楚須知九辨
最悲秋落落江湖人可數

笠颿司寇以朋舊手札裝池成卷見示因題

天末離懷孰可尋含豪想見各沈吟遙遙風雨千秋

意落落落岑一寸心海內如公存古道卷中使我感
知音洞庭木葉今蕭瑟更有滄波思共深

潭州書懷

也隨鴻雁到衡陽別館閒吟意轉傷作客烽煙愁閒
阻思親魂夢屢飛揚玉衡星識歲將暮金錯刀看路
正長顚顚知難明鏡照何堪更結九迴腸

自潭州將赴京師留別笠瓢先生五百字

蒙生十九載從親涉沅湘徘徊八往返思與寒流長
今年自洪都來依丈人行山中椒欲馨澤畔蘭猶芳
潭州幕府開下走容趨蹌新篇旣倒庋古誼還傾筐

冒中千百輩獨荷憐清狂幸得聞政業許從辨縹緗
追陪厯方州忽再遷溫涼今逢計偕期使我懷

天閭前聞黃河北竄突生封狼股肱待稷契宵旰勤
軒皇授公秋官貳

倚毗非尋常內已躋列卿外猶寄封疆

深知大臣才動靜爲弛張厚俗先慎刑授任皆賢良
韓公公同官事能析豪芒卽如吾族父援經亦周詳
志同更道合足以布紀綱庶類有善惡法意難低昂
惡者遏萌芽善者無立僵想公立朝節百事能自當
民命何所寄政畧何所防緩急何所先輕重何所量

讜言對

前席跂足來羣方賤子菰蘆伏歡意消愁腸雙旌未
卽路一劒已動鉞將道烽煙閒輾轉赴

帝鄉幾卷樸實言十載徒俚俚壽陵有故步茲行詎
能忘辱公相勉厚自顧生慚惶且載墨子書更聚南
榮糧棲遲零落身水旱舟車忙牂柯有雲山側身西
南望慈父念子心須鬢已漸蒼晨昏久閒阻欲去爲
徬徨夙蒙加慰藉勗以名聲揚離合有塗畛議論思
門牆此日良自惜此酒不敢嘗讀書與綴文夜夜鐙
燭光兩年培植意感歎非微茫江東與冀北去矣多

雪霜敢云濟時策不計身怯惟借問青冥際可容側
翹翔因思空明鏡早鑒中心藏發春九城陌珂鳴朝
建章退食旋甲第定許摳衣裳時務且勿陳古道宜
升堂玉燭四氣和魚鑰未遽央已結平生願長言歌
樂康

湘潭縣舍訪張仲雅大令

雲璈

不值舟中題其

蘭松草堂集卻寄二首

相見無緣絕憶君碧潭流水亂于雲緘愁小艇添寒
意回望高樓漸夕曛未許草書求大令同將蠻語識
參軍

謂木夫

今知氣類原無幾況復天涯迹尚分

才子爲官世尚疑苦辛來和左徒詞吟成歷歷中年
恨難讀番番下第詩心迹終當通一面姓名何幸得
同時澧蘭湘芷新搖落惆悵渾忘去路遲

涂次卻寄湯荻卿

治名

樽酒情無極江湖別更難蘭舟人獨坐湘水暮應寒
閨闔中宵夢衡廬盡日看客行長劒在與子說憂端
君解疇官法頻年步五星能推无妄戾且說度人經
南戒河還溢中原血尚腥腐儒何所獻別語感丁寧
寒江聞水磴使我感尤深風俗斯猶古田疇治匪今
無心動機枯俛首一沈吟句股生溝洫煩君仔細尋

浩衍天人際幾希絕續時真能刪俗學更與削浮詞
苦語連宵憶高懷舉世疑吾曹崇悃悃珍重在臨岐